

جريدة محاكم

جمعه ايرتسى

نومرو	ربيع الاول	سنه	كانون اول	سنه	صحيفه
۲۷۹	۹	۱۳۰۲	۱۵	۱۳۰۰	۲۳۸۵

- * اشـبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه
 - * يكرمى غروش حسابيله التمش غروشدر طشره لر ايچون اون بش غروش پوسته اجر تى ضم اولنور بهر
 - * نسخه سى ينه مجيديه يكرمى غروش اولق اوزره يوز پاره به هر يرده صاتيپلور درج اولنه جق اعلاناڭ
 - * هر برندن بر مجيديه اخذ اولنور سنه لکنه مشترى اولق استيانلر عدليه نظارتى دائره سنده كاڭن
- * جريده محاكم اداره سنه مراجعت ايليدر *

اسكدار بدايت محكمه سى مدعى عمومى سرفيه
مدعى عمومى معاونى عثمان افندى به
لسقويك بدايت محكمه سى جزا دائره سى رياستى
سلانيك ولايتى استيناف محكمه سى باش كتابتندن
مستعفى عثمان اديب افندى به
موصل ولايتى مركز بدايت محكمه سى مدعى
عمومى معاونلى ديار بكر ولايتى استيناف محكمه سى
اعضاسندن صبرى افندى به توجيه بيورلمشدر

موصل ولايتى داخلنده واقع عقره قضاسى بدايت
محكمه سى رئيسى مصطفى و محكمه مزبوره مستنطقى
راحل ومستنطق معاونى عبدالرحمن افنديلره
اسناد اولتان جرائمك ثبوتنه كافي ادله واسباب

قسمتى


(توجيهات عدليه)

سلانيك ولايتى مركز بدايت محكمه سى رياست
اوليسى حلب ولايتى مركز بدايت محكمه سى
رئيس اولى فضيلتلو نديم افندى به
حلب ولايتى مركز بدايت محكمه سى رياست اوليسى
سيواس ولايتى استيناف محكمه سى جزا دائره سى
رئيسى فضيلتلو رضا افندى به
سيواس ولايتى استيناف محكمه سى جزا دائره سى
رياستى سلانيك ولايتى مركز بدايت محكمه سى
رئيس اولى عزتلو مصطفى بکه

قانونیه نك وجودی حالنده علی الاصول تحت
محاکمه به التملری وینه ولایت مذکوریه تابع
رواندز بدایت محکمه سی رئیس داود افندیك
مسای احوالندن ناشی محاکمه ایلمسی واطنه
ولایتنه ملحق مرسین قضاسی بدایت محکمه سی
اعضاسندن علی بکک بعض مظنونیندن رشوت
الدیغی اوراق تحقیقه مألارندن اکلشلسنه مبنی
اجرای محاکمه سی ضمنده عدلیه نظارت جلیله سندن
محللری عدلیه مفتشلکرینه اعطای مأذونیت
بیورلمش و محاکمات مذکوردهن حاصل اوله جق
نتایجک جریده مزله نشر و اعلان اولنه جغی درکار
بولتمشدر



قسطنونوی ولایتی داخلنده کائن طاش کبری قضاسی
بدایت محکمه سنک مستطقی امین افندیك احکام
قانونیه خارجنده ایفای معاملات اتلسندن طولایی
تحت محاکمه به اتلمسی ضمنده عدلیه نظارت
جلیله سندن ولایت مذکورده عدلیه مفتشلکنه
مأذونیت رسمیه ویرلمش و محاکمه سندن حاصل
اوله جق نتیجه نك نشر و اعلانی امور طبیعه دن
بولتمشدر



- (عدلیه نظارت جلیله سندن ولایات عدلیه)
- (مفتشلکرینه یازیلان فی ۷ محرم سنه)
- (۳۰۲ وفی ۱۵ تشرین اول سنه ۳۰۰ تاریخیلی)
- (تخریرات علیه نك صورتیدر)

- (عدلیه نظارت جلیله سندن مدعی عمومیلکره)
- (یازیلان فی ۲۶ محرم سنه ۳۰۲ وفی ۳)
- (تشرین ثانی سنه ۳۰۰ تاریخیلی تخریرات)
- (عمومیه نك صورتیدر)

شوارالق درسعادته و بعض ولایاتده برطاقم
سحر بازلر ظهور ایدرک بعض ساده دلان اهالی بی
اغفال و اضرار ایتمکده اولدقلری استخبار قلمش
و سحر باز دنیلانرک فعل و حرکتلری مجرد کندولرینه
مراجعت ایدن بعض کسانن نجه دروغ و افسانه
ابداعیله الدادوب پاره قاعق کبی حیلده و دسیسه دن
عبارت بولتمش اولسنه و جزا قانونامه همایوننک
ایکیوز اوتوز او جنجی ماده سنده دخی طولاندر
یحیاق یولنده درلوحیله و دسیسه اعمالیله برآمدک
اچقه سنی و یا املاک و تحویلات و سنداتنی و یا خود
سائر اشیا سنی برتقریب ایله لندن الان اشخاص

اویچ آیدن اویچ سنه به قدر حبس اولتوب کندوسندن
برالتوندن الی التونه قدر جزای نقدی اننه جغی
و مأمورین دولتدن ایسه بو جزالردن بشقه
مأموریتندن طرد جزا سنده مستحق اوله جغی
محرر بولتمسنه مبنی بومقوله سحر بازلق ایدن
اشخاصه تصادف اولندیغی و یا اوکیبلرک وجودی
خبرو برلیدیکی تقدیرده حقلرنده ذکر اولنان ماده
قانونیه حکمنه کوره معامله ایلمسی لزومی طبیعی
اولوب شو قدرکه فی ۶ اغستوس سنه ۳۰۰
تاریخنده تسطیرقلنان تخریرات عمومیه ده دخی بیان
و تفصیل ایدلیدیکی اوزره محکمه لر رأیلرنده حر
و مستقل اولدقلرندن بومقوله افعال جرمیه
حقلنده مواد قانونیه دن استنباط ایده جکگری معانی به

کوره اجرای تطبیقات ایتمکده مختار اولدقلری
کبی مدعی عمومیلرک دخی مخالف قانون کوره
جکگری اقراری استیناف و تمیز طریقله تصحیح
ایتدیرمکه تشبته حق و صلاحیتلری بولندیغندن
تطبیقاتنده اصابت کوریله میان او کبی دعوالر
حقلنده محکمه لرحه بشقه کونه قرار و برلیدیکی
تقدیرده او قرارلرک فی ۲۱ اغستوس سنه ۳۰۰
تاریخنده یازیلان تخریرات عمومیه ده بیان و توضیح
قلندیغی و جهله طرق قانونیه به توفیقاً فسخ و تصحیح
ایتدیرلمسنه تشبث اولتمسی خصوصنه همت ایلمسی
توصیه سنه و نزدنده بولندقلری محکمه استینافیه نك
دائرة سی داخلنده اولان محاکم ابتدائی مدعی عمومی
معاونلر بنده تبلیغ اولتمق اوزره اشوتو تخریرات
عمومیه نك نسخ مطبوعه کافیه سنک لغاً تسیارینه
ابتدار قلندی



- (عدلیه نظارت جلیله سندن عدلیه مفتشلکرینه)
- (یازیلان فی ۲۹ صفر سنه ۱۳۰۲ وفی)
- (۱۰ کانون ثانی سنه ۱۳۰۰ تاریخیلی)
- (تخریرات عمومیه نك صورتیدر)

دوائر حکومتده و علی الخصوص محاکم عدلیه ده
موجود بالجمله اوراق و دفاتر رسمیه نك حسن
محافظة سیله ضیاع و تلفدن مصنوعیتی اسبابنک
استحصالی برنجی درجه ده نظر اهمیت و اعتنایه
النه جق حالاتدن اولمسیله بوقضیه مهمه اوزرینه
دولتجه من القیدم اجرای تقیداتدن خالی قائلماش
و حتی وقتیه بومثلو اوراق رسمیه نك وضع
و حفظی ایچون هر دأره حکومت نزدینه برنخن



اسرا قلمغله كيفيتك زير اداره تفتيشيه لرنده بولنان بالمله مأمورين عدليه صورته اكيده وقطعيه ده اخطار وشو قاعده به مغاير حر كنده بولنانلر اولديغى حالده اسملر نك همان نظارته بيان واشعار ايله برابر اولبايه تقيدات تماميه نك اجراسنه صرف اقتدار بورلسى

قسم غير رسمي

(شهادت) عنوانيله ياز يلان مطالعاتك بابعيدلر تيش يدنجى ماده ده تضمينات طابنده بولنان شاهدلره تعرفه سى موجبجه ايفاسى لازم كلان مبالغ مستنطق طرفندن تعيين اولنه جغى بيان اولينبور

بوماده ده شاهدلره حق طلب و بريلان تضمينات خرج تعرفه سنك التمش برنجى ماده سنده كوستريلان واللى غروشى تجاوز ايتامسى مشروط اولان اجرت يوميه ايله شهر وقصبه خار جنده بولنان محللردن كله جك شاهدلره بشقه ججه تاديه اولنه جغى محرر بولنان مصارف سفر به دن عبارت اولوب بوخسه برشاهدك دعوت واقعه اوزرينه مستنطق حضورينه كتمكه مجبور اولديغى يزمانده كئمامسيله معيشتندن زياده اوله رق ايده جكي برتجارندن دعوت اجابتى سببيله محروم اولديغى بيان ايله تضمينى طلبه حق اوله ميه جغى بديهيدر چونكه بوقاروده ذكرى سبق ايتديكى وجهله ججهيت

انشا ايتدبرلمش ايكن ينه بعض محللرده اوراق رسميه نك كيجهلرى بو مخزنلره و مأمورين و محفوظ محللره نقلنجه مسامحه ايديلهرك مأموريت موقعلرنده برالقمده و بوجهته بعض محللرده حكومت دائره سنك محترق اولسبله اوراق و دفاتر مذكوره محو اولقمده اولديغنه وايشته بو قبيلدن اوله رق پكنده قضاء آتش آلوب محترق اولان عورتحصارى حكومت دائره سى درونندن هيچ برشى قورتار يله ماش ايدوكنه و حالبوكه اومقوله محترق اولان اوراق و قيودات رسميه نك متلق بولنديغى خصوصيات و مصالحك بالاخره تسويه سى دوچار مشكلات اولقمده و بلكه بعضاً محال حكمنه كيرمكده اولديغى جهته بو يوزدن كرك حكومت سنيه به و كرك ار باب مصالحه تلافيسى غير قابل مضرات تولد ايلكده بولنديغنه بناء بعدازين محاكم و مأمورين عدليه به متعلق كافة اوراق و دفاتر كيهلرى حكومت دائره لرنده برالقمسى ممنوعيت تحتنه التمش اولديغندن بونلر كهر كون اخشام اوستى تعطيل وقتندن صكره مخزنلره و مخزن بولمئان برلده حريق خطر و تهلكه سندن سالم و امين اولان محللره نقليله كيجهلرى اورالده حفظ وصيانتى خصوصى تأمين ايديلهرك كوندزلرى فقط يالكز لزومى كور يلانلر ك حكومت دائره لرينه جلب اولنمى اصولنه صورت مخصوصه و متواليه ده حصر نظر دقت و اهميت و اولبايه عدم تقيد موجب مسؤليت اوله جفتدن اكا كوره بئدل مزيد همت اولنمى لازمه دن اولمغله واشبو تحريراتك نسخ مطبوعه كافيه سى دخی لفاً طرف بهيلرينه

اقامتلى ذاتاً مستنطق اول باول شاهدلردن صوروب استجوابنامه به ضبط ايتدبره جكي شيلردن اوله رق معلوم بولنه جغنه نظراً برشاهد طرفندن طلب تضمينات و وقوعنده مستنطق اوشاهدك مضبوط اولان صنعت و صنعتنه كوره نه ايله پكنه ييله جكنى اكلارسه اكا كوره بر اجرت يوميه تعيين ايتمى و خار جندن كلان شاهدلر ك كلكلرى محللر قاج ساعت مسافه يى حاوى ايسه بالحساب و برلسى لازم كله جك اجرت مكارى ايله خانه سنده اولديغى وقت مجبور اولديغى مصارف ضروريه دن ماعدا مجرد شوسفرى ايچون يولده فضله اوله رق صرف ائش اولديغى و عودتنده صرف ايده جكي اكلاشيله جق اولان مبالغ دخی بشقه جه تسويه ايدلك اوزره خانه لرندن چيقدقلى كوندن عودت و مواصليت ايده جكلى كونه قدر كذران ايده جك ايام معطله ايچونده ينه صفت و درجه لرينه كوره مستحق اوله جقلى اجرت يوميه نك مستنطق طرفسندن تعيين اولنمى لازم كله جكي امر غير خفيدر

تيش سكرنجى ماده ده شاهدلر ك خسته لك جهته به دعوته اجابته مقتدر اولمقلى بر طيب و ياخود صحيه مأمورى شهادتنامه سبيله تين ايتديكى تقديرده اومقوله لر مستنطق اقامت ايتديكى قصبه سكنه سندن ايسه لر مستنطق بالذات خانه لرينه عزيمت ايده جك و آخر قصبه و قريه اهالي سندن ايسه لر استماع شهادتلى مستنطق طرفسندن

بشر به نك ثروت و سعادتى امنيت عموميه سايه سنده حاصل اوله جغنه و امنيت عموميه ايسه دعاوى جزائيه ده استكشاف حقايقله مستحق جزا اولنلر ك تكدير و تاديب و ترهيلرينه محتاج بولنديغنه نظراً بر آدمك منفعتى افرادندن بولنديغى جمعيتك منافعه خدمت ايدن بويه شهادت كى بروظيفه مقدسه به نسبتله كسوه اهميتدن عارى و منافع عموميه ايچون منفعت خصوصيه و شخصيه نك ترى و ضرر عامك دفعى ضمننده ضرر خاصك اختيارى ضرور يدر فقط بر آدمك كرك كندوسنى و كرك انفاقنه مجبور بولنديغى عالیه سى ايچون لزومى دركار و شهادت ايچون اشغال اولنديغى كونلرده تداركنه مقتدر اوله ميه جغى بيدار بولنان اقوات روزمره سنه مقابل بر اجرت يوميه ايله بو صره ده يعنى خار جندن كله جك شاهدك يولده مجبور اوله جقلى مصارف زائده نك و برلسى او شخص ايله عالیه سنك ضرورتنى دافع و ضرورتدن تولد ايده ييله جك سوء نتيجه يى مانع و طولاييسيله امنيت عموميه به نافع تدابيردن اوله وق موافق قانون طبعيدر

اجرت يوميه مذكور خرج تعرفه سنك التمش برنجى ماده سى موجبجه شاهدلر ك صفت و درجه لرينه و مصارف سفر به ايسه شاهدلر ك محل اقامتلى به شهادت ايچون حضورينه كله جكلى مستنطق بولنديغى محل بيننده كى بعديت مسافه به كوره اوله جفتدن و شاهدلر ك صفت و صنعتلى و محل

قریه و محله لری مختار لری حواله اولنه بیله جک
و بو صورتده نه ماده حقننده شهادت لری مطلوب
اولدیفنه دائر مختار لره تعلیمات مقتضیه ارسال
اولنه جقدر دیو محرر در

دائرة استنطاقه دعوت اولنان بر شاهد خسته لك
جهتیه دعوته اجابته مقتدر اولدیغنی یعنی حضور
مستنطقه کله میه جک و یا خود کلمی کندوسنی
وجودجه متضرر ایده جک درجه ده خسته
اولدیغنی تبلیغ اولنه جق جلب مذکره سنك طرفندن
امضا و یا تمهیر قلنه جق نسخه ثانیه سی زیرینه
اشارت ایدر و یا ایتدیبرر و اولوجهله خسته
اولدیغنه دائر بر طبیدن و یا صحیه مأمورندن
شهادتنامه الوب کوندیرر ایسه ارتق او شاهدك
جزای نقدی ایله محکوم ایدلسی و جبراً احضارینه
امر ویرلسی مغایر عدلت اوله جغنی و خسته بولنان
شاهد هر نصلسه تبلیغ اولنان جلب مذکره سی
اوزرینه او یله بر معامله جریان ایتدیرمیوبده
خسته لکی مجهول قاله رق جزای نقدی ایله محکوم
ایدلدکن و جبراً احضارینه امر ویرلدکن صکره
کلو بده خسته لکنی بوجه محرر اثبات ایدر ایسه
جزای نقدیدن عفو اولنه بیله جکی کبی شاید
خسته لکی دوام ایدوبده احضار امری اوزرینه ده
کله مدیکی وشو صره ده معذرتی خبر الندیغنی
حالده جلب مذکره سنك تبلیغ اولنسیغنی زمانده
خسته اولدیغنی وقیله استحصال اولنش شهادتنامه

ایله اثبات ایدر ایسه جزای نقدیدن دخی عفو اولنه
بیملک وشو احضار امرینه عدم مطاوعتی صحیحاً
خسته لکنندن ناشی اولوب اولدیغنی تحقیق ایدلک
اوزره اول امرده احضار امری حکمك موقتاً
تأخیر اجرا سیله خسته اولدیغنی اخبار قلنان
شاهدك بر طبییه و یا صحیه مأمورینه معاینه ایتدیلمسی
و بو معاینه اوزرینه ویریه جک شهادتنامه شاهد
مرقومك خسته لکنی مثبت اولدیغنی حالده
احضارندن صرف نظر ایدلسی ضروریدر بناء
علیه بو صورت لره مستنطق زدیینه کله میه جک
و یا کلدیکی حالده وجودجه ضرر دید، اوله
بیله جک درجه ده خسته لکی تحقق ایده جک اولان
شاهد مستنطق بولندیغنی شهر و یا قصبه ده ساکن
ایسه مستنطق ضبط کاتبی بالاستحکاب شاهد
مرقومك خانه سنه عزیمتله معلومات و شهادتی
اوراده سؤال و استماع ایتسی و التمش طقر زنجی
ماده ده جلسنامه نك ابرازی کیفیتك استجواب نامه یه
درجی حقنده محرر اولان ققره قانونیه یه مقابل
(شاهدك جلب و احضارینه خسته کنك
مانع اولدیغنی طیب فلان افندیك و یا خود صحیه
مأموری فلانك اوراق تحقیقیه میاننده موجود
شو تاریخلی شهادتنامه سندن اکلشلفله خانه سنده
استجوابنه مبادرت اولندی) دیو اشارت نلمسی
و التمش سکر زنجی ماده ایله یتمشنجی ماده دن یتمش
در دنجی ماده یه قدر اولان مواد قانونیه احکامنه

بو صره ده دخی عطف نظر دقت ایدلسی و خسته
اولان شاهد آخر قصبه و یا قریه اهل ایسندن
اولدیغنی یعنی مستنطق دائره مأموریتی داخلنده
اولوب فقط محل مأمورینه بعدیت مسافه سی اولان
بر قصبه و یا قریه ده ساکن بولنوبده مستنطق
عزیمتنده کافت و مصالح استنطاقیه مرکزیه ده
کثرت اولدیغنی و او قصبه و یا قریه ده کی مختار
شاهدك استجوابنه یعنی ویریه جک تعلیمات موجنبه
مستنطق لک استماع شهوده متدائر اولان وظائفی
ایفایه مقتدر اوله بیله جکی اکلشلفدیغنی حالده
مستنطق بالذات عزیمت ایتیه رك استماع شاهد
وظیفه سنی او مختاره حواله و شاهدك قنغی ماده
اوزرینه استجواب اولنه جغنه دائر ایجاب ایدن
تعلیمات واضحه بی حاوی اوله رق تنظیم ایده جکی
ورقه مضمومه بی ضبط کاتبی ایله برابر ارسال
و اطاره ایتلسی مقتضیدر چونکه مستنطقك
خسته اولان شاهدی خانه سنده استجوابه
مجبوریتی حالنده شاهدك حضور مستنطقه صورت
جلبی حقنده کی مواد احکامی بالطبع تحول و تبدل
ایدر ایسه ده شاهدك استماعنه تعلق ایدن مواد
قانونیه نك احکامنه خلل کتورلسی جائز
اوله میه جغنی و مستنطق مختاره ویره جکی و کالت
کندی وظیفه سنه مخصوص اوله بیله جکندن ضبط
کاتبك حضورنده کی مشروطیتك او و کالتله

سقوطی لازم کلیه جکی ایضاحات زائده دن
مستغنیدر

استماع شهوده مستنطق طرفندن مأمور اولان
مختارك استماع شهود حقنده مستنطق لره قانوناً
مترتب اولان وظائف و معاملات و مستنطق جانبندن
کوندیریلان ورقه تعلیمات خارجنده حرکتی
و وقوعنده مستنطق لری ایچون معین اولان مسؤلیته
مستحق اولمیری طبیعیدر

بو ماده ده طبییک ذکرندن صکره بیان اولنان صحیه
مأمورندن مقصد (اوفسیه دو سائته) تعبیر
اولنان یعنی هنوز دو قنورلق درجه سنه وارمیوبده
درجه ثانیه ده صحته خدمت ایتکه مآذون بولنان
کسنه لره جراح و اسپنچیارلر درکه طیب بولنمیان
محلزده بولنرک طبییه عائد بولملاو معاینه وظیفه لری
ایفا ایده بیله جک لری بدیهیدر

(مابعدی وار)
دیار بکر محکمه استینافیه سی
جزا دائره سی ریئسی
خالد

ککبوزه و قرتال و بکقوز قضاری حوالیسنده مسلماً و مجتمعاً کزه رک کوسه لر قر به سنده نوری بکک اوغلی سلیمانک اغیلنی وعاشق مصطفانک خانه سنی باصوب و مرقوم سلیمانک والده سنی برقاچ برندن جرح ایدوب اچقه واشیارینی غصب و تپه قر یه لی فاطو اوغلی ابراهیم ایله رفیقی افراد عسکر به دن برنفری

شیله لی التی بارمق اوغلی و بطان



غاز ایله احراق و خواجه لر قر به سنده قویج مصطفایی تفنک قورشونیه قتل و ائتلاف آق و یران قر به سنی لیللاً باصوب بیراقدار اوغلی محمد انا ایله زوجه سینه اشکنجه ایدرک اچقه واشیارینی اخذ و سرقت و تکیه قر به سنی قوربجیسی مهاجر حسنی اعدام و قلم قر یه لی کلاهی اوغلی عمرک قرنداشی حسنی قتل و چرکشلیده

اون بش قدر دو کونجیلرک ودها سائرلرینک نقود و اشیا و اسلحه سنی اخذ و غصب ایتلرندن طولایی هیئت اتهامیه دن غیباً و وجاهاً جنایتله اتهام اولنان و محکمه جنایحه دخی محکوم اولان قوندریجی یاسف و یانقو اوغلی خرستو و قرتالی نقولی و ققاوله خرستو فوری کهیا صوا و صغرتماج دیمتری و قورق اوغلی دیگر دیمتری و اینجه بچاق فیلو و بقال یورکی و یاولیکان اوغلی یوان و بوقلی اوغلی دیمتری ایله فراری رئیس اشقییا شاملی اوغلی یناکی و استاوری و کلبک دیمترینک رفقا سندن اولوب غیباً جزای اعدام ایله محکوم اولدیغی حالده بوکره اخذ و گرفت اولنهرق محاکمه و جاهیه سی دخی بالاجرا اشقیای مرقومه یه رفاقتی و غصب اموال ایله قتل نفسه جرأتی ثابت اولمش و قانون جزانک التمش ایکنجی ماده سی علاوه سنک فقره اخیره سنه توفیقاً اعدامه قرار و یرلمش اولان شیله لی کیچی ورنجبرالتی بارمق اوغلی و بطانک بروجه محرر جرائم جسمیه اصحابندن اولسنه مبنی رسمی بوکره جریده مزه درج ایدلمشدر

~~~~~

اسکدار مدعی عمومی سابق جدی و برادری جمال بکر و باغلی باشنده کی پولیس قومیسری عزت افندی و ژاندارمه اون باشیسی اجدافا ایله جانفسیجی مهران پینلرنده متحدث ضرب دعوار ینک درسمعات استیناف محکمه سی جنجه دائره سنده اجرای محاکمه سنه تشرین اولک یکریمی

ایکیسنده مباشرت اولندیغی ۲۷۲ نومرولی نسخه مزده بیان و برنجی دفعه اولهرق تشکل ایدن مجلس محاکمه ده جریان ایتش اولان محاکمه نک صورت جریانی اعلان و اکال محاکمه تشرین ناینک برنجی پنجشنبه کونته تعلیق اولندیغی اتیان اولمشیدی دائره مذکوره نک محاکمه او طه سی در دست تعمیر اولدیغی جهته محاکمه مزبوره نک اجراسی تأخر ایتش و مذکور محاکمه او طه سنک تعمیراتی هنوز ختام بولماش ایسه ده کانون اولک اون اوچنجی پنجشنبه کونی محاکمه اجراسنه مساعدا دیگر بر او طه تدار کیله محاکمه مزبوره نک اجراسنه دوام ایدلمش و مظنون علیه لره وکیل مدافع لرنک یکدیگر یله مناقشه درجه سنه وارمش اولان افادات متجاوزه لری جانب ریاستدن دفعاتله منع اولمش و قانونه لازم اولان رعایتک خلافتنده برشی سوتلاملری و دائره ادب و اعتدالده بیان حال و مدافعه ایتلری کندولرینه اخطار ایدلمش اولدیغی حالده موئی الیه مدن بعضیلرینک شو حال تجاوز کارانده دوام و اصرار ایله دائره اعتداله رجعت ایتاملری تعطیل محاکمه یه سلبیت و یرمشدر محاکمه مزبوره نک ضبط اولنان صور جریانه سی مفصل اولوب بو هفته کی نسخه مزک ترتیبی ایسه ختام بولغله بالضروره درج اولنه ماش ایسه ده بمنه تعالی کله جک هفته چیقار یله جق نسخه مزه درجی مقرر بولمشدر

-----

( محکمه تمیز حقوق دأره سی )

اراضی دعوالرینک اثانی رؤیت و محاکمه سنده صاحب ارض مقامنه قائم اولان اراضی مأمورینک حاضر بولندیرلمسی مقتضی و بولندیرلماسی نقض حکمی مؤیدیر . حدود دعوالرنده شهود شخصیه استماعجه بر ممنوعیت قانونیه بوقدر بناء علیه بر ذاتک عهده تصرفنده بولنان ایکی چفتلکی آخره بیع و فروخت ایلدیکی صره ده حدود لرینی تجدید و تغییر ایتدیکی و بر چفتلک داخلنده کی اراضینک دیگر چفتلکه ترک و تخصیص قلندیغی ادعا ایدیلورده اقامه شهود اولتیق استنبیلورسه اشبو ادعا و طلب نظر اهمیته التمی لازم و التامسی نتیجه محاکمه ده و بر یله جک حکمک فسختی مستلزمدر . بدرجه اولی محکمه سنک اعلامندن مستبان اوله جق بوکی اسباب فسختیه نظر اعتنایه انیبوده او اعلامک عندالاستیناف تصدیق جهتنه کیدلک جائز اوله مز . حق قرار دعواسی اوزرینه هر حالده تحقیقات مکمله اجرا سندن صرف نظر ایدیله مز بونقطه مهمه لره عدم دقت و رعایت نقض حکمی استلزام ایدر .

( خلاصه دعوی )

در سعادتده لالهلی جوارنده قزلطاش محله سنده سکر نومرولی خانه ده ساکن امتعه کرکی

سر مبصری محمد نشأت بکک عهده تصرفنده بولندان ملا فچه نام چفتلکک حدودی داخلنده واقع ایکی بیک دونم اراضی به میخالوه چفتلکی متصرف لری اولان سلانیکده معید علاء الدین محله سی ساکن لرندن واصحاب علاقه دن مصطفی اغا زاده جعفر و شریکی مشتی اغا زاده حاجی علی افندیلر طرفندن وقوع بولان مداخله نك منعی میر مومی الیهک و کیلی جانندن عورتحصاری بدایت محکمه سنه مراجعتله طلب و دعوی اولتمسی اوزرینه اولباده ابراز اولنان طاپو سنداته تطبیقاً محلجه اجرا قلنان تحقیقات نتیجه سنده اراضی منازع فیهایه مومی الیه نشأت بکک متصرف اولدیغی تین ایش اولغله مداخله واقعه نك منعی حقتنده غیباً لاحق اولان حکم و اعلام علیه نده مومی الیهما جعفر و علی افندیلر جانندن اعتراض علی الحکم عرضحالی اعطا و محل منازع فییه با طاپو متصرف اولدق لری بیان و ادعا قلتمسندن ناشی و جاهاً اجرا ایدیلان محاکمه ده ذکر اولنان اراضی به هر ایکی طرفدن ادعای تصرف ایدلکله برابر بیان اولنان حدو دک یکدیگره عدم مطابقتنه بناء اراضی منازع فیهانک طرفین یدلرنده بولنان سندات و قیوداته توفیقاً محلجه حدود لری تعیین و ذی الید خصوصی دخی اصولاً اثبات و تبیین ایدلک اوزره هیئتجه محل منازع فییه کیدیلهرک اوراجه اجرا قلنان تحقیقات صره سنده دخی مومی الیه نشأت بکک و کیلی طرفندن اراضی مذکور نك حدودی بالتعین ملا فچه چفتلکی داخلنده

ایدوکی وانجق مذکور چفتلک متصرف لری نك مدت سفر بعید اولان دیار اخرده بولملرندن بالاستفاده مومی الیهما جعفر و علی افندیلر طرفندن اراضی مذکور به مداخله اولتقمده اولدیغی بالیسان مداخله واقعه نك منعی طلب و افاده و افندی مومی الیهما و کیلی جانندن دخی مذکور ملا فچه چفتلکک متصرفه و فارغه سی اولان نافعده خانمک علاقه ناظری و میخالوه چفتلکی متصرفی و سپاهی راغم اغا حضور لر یله بوندن قرق سنه اول حدودی تجدید و ذکر اولنان اراضی میخالوه چفتلکک ترک و تخصیص قلندرق مذکور چفتلک دخی متسلسلاً مؤ کلرینک عهده تصرف لری نه یکمش اولدیغی و بو صورتی تواتراً اثباته مقتدر بولندق لری ادعا و محل مذکور شمعی به قدر وقوع بولان تصرف لری نه مذکور ملا فچه چفتلکی متصرف لری نك علاقه ناظری طرفندن سکوت ایدلش اولمسی دخی حق صریح لرینی مؤید ایدوکی بیان و انبا ایدلسیله سبق ایدن تدقیقات و محاکمه نتیجه سنده مومی الیهما جعفر و علی افندیلر و کیلی هر نقدر اراضی منازع فیهانک مقدمات بر وجه مشروح و وقوع بولان تجدید حدوده مبنی مؤ کلرینک متصرف بولندق لری میخالوه چفتلکی داخلنده قالدیغی درمیان و ادعا ایش ایدده ادعای واقعی مؤید بر کونه سند ابراز ایده مدیکنه و مومی الیه نشأت بکک تصرفی ایسه قیود دفتر خاقانی به

مستند بولندیغنه بناء اراضی منازع فییه حقتنده وقوع بولان مداخله نك منعیله محل مذکور مومی الیه نشأت بکک تصرف ایتسنه دائر و یریلان حکم و قراری حاوی تنظیم قلنان اعلام علیه نده مومی الیهما جعفر و علی افندیلر طرفندن سلانیک استیناف محکمه سنه مراجعتله استیناف دعواسنه قیام اولندرق محکمه مذکور جه اراضی مأموری حاضر اولدیغی حالده اجرا قلنان محاکمه ده مومی الیهما جعفر و علی افندیلر جانندن مار الذکر ملا فچه و میخالوه چفتلکک لری نك متصرف اسبق بولنان سیروزی یوسف پاشانک برادری تیمور بک معرفتیه اخره بیع و فراغ اولدیغی صره ده مذکور میخالوه چفتلکک دخی سکر بیک دونمه ابلاغ ایدیلهرک سورلوه لی بیکباشی محمد اغایه و اندن دخی سلانیکلی عمر پاشایه بیع و فراغ ایدلدیکی و مشار الیه عمر پاشا طرفندن دخی مشار الیه یوسف پاشا و آنک و قاتیله ورثه سی مواجهه سنده تصرف اولدیغی و بالاخره تسلسلاً کندولرینه انتقال ایدن مذکور میخالوه چفتلکک سنین و فیره دنبرو بلا نزاع تصرف ایتکده بولندق لری جهته لره اراضی قانوننامه سنک یش سکرنجی ماده سی موجبجه حق قرار لری ثابت و مجله احکامجه مرور زمان واقع اولدیغی بیانیله اراضی مذکور حقتنده در میان ایدیلان تصرف دعواسنک ردی طلب

واراضی منازع فیها میخالوه چفتلکنه ترک  
وتخصیص ایدیلهرک قرق التی تاریخنندن برو  
اراضی مذکوره به ملافچه چفتلکی متصرفی  
مواجهه سنده متسلسلاً و بلا نزاع مؤکلری طرفندن  
تصرف ایدیلکده اولدیغی و بناء علیه مجله  
وقانوننامه اراضی حکمنجه مرور زمان و حق  
قرار ثابت ایدوکی بالیمان بونک تواتراً اثباته مقتدر  
بولندقلری ادعا اولنش اولدیغی حالده بدایت  
واستیناف محکمه لرنجه ادعای واقعلینک قول  
مجرددن عبارت اولدیغی کوسریله رک نظر التفاته  
التمامش و بو مقوله عقار دعوا لرنده ذوالیدلک  
بینه ایله اثبات اولنق و عند المحاکمه ابراز اولنان  
طاپو سنداتی عیناً و یا خلاصه اعلامه درج ایدلک  
لازمه دن ایکن بورالرنه دخی دقت رعایت  
ایدلامش اولدیغندن بختله اعلام مذکورک نقضی  
طلب و ادعا اولنمسیله اعلام مذکور محکمه تمیز  
حقوق دائره سنجیه بالتسدیق بر وجه آتی نقض  
ایدلشدر

( ققره حکمیه )

ایجابی لدی المذاکره سلانیک استیناف محکمه سنجیه  
خصوص مدعا حقنده بالاده بیان و حکایه قنندیغی  
اوزره حکم و اعلام و یرلمش ایسه ده اعلام مذکور  
مطالعده سندن مستفاد اولدیغنه کوره مومی ایدمحمد  
نشأت بک و کیلی طرفندن عورتحصاری بدایت  
محکمه سنجیه اقامه ایدیلان دعوی منازع فیه ولان  
سالف الذکر اراضی مؤکلی مومی ایله نشأت

و ادعا و مومی ایله نشأت بک و کیلی طرفندن دخی  
ذکر اولنان اراضی به مؤکلی قبود دفتر خاقانی  
ایله متصرف اولوب بو کی چفتلکانک حدود  
قدیمه سی تغیر و تجددن مصون اولدیغی و ملافچه  
چفتلکی متصرفی مدت سفر بعید اولان دیارده  
بولندقلری کی چفتلک مذکورک فارغه سی بولنان  
نافعه خانک دخی الی سنه دنیرو سلانیکه کتمامش  
اولدیغی خصم لرنجه معترف بولندیغنه مبنی بویله  
مواجهه خصمه وقوع بولیمان تصرفک حق  
قراری مستلزم اوله میه جغی مدافعه بیان و انبا  
اولنمی اوزرینه اولبابده سبق ایدن تدقیقات  
نتیجه سنده مذکور اراضی به مومی ایله نشأت  
بک تصرفی طاپو و قبود دفتر خاقانی ایله متین  
بولنش و مومی ایله جعفر و علی افندیلر  
جانب لرندن مذکور ملافچه چفتلکنک تجدید  
حدودی صره ده اراضی مذکوره نک میخالوه  
چفتلکنه ترک و تخصیص قنندیغی حقنده در میان  
اولنان ادعای مثبت برکونه سند ابراز ایدیله مامش  
اولدیغی جهته مومی ایله طرفندن اقامه اولنان  
استیناف دعوا سنک ردیله حکم ابتدائی مذکورک  
تصدیقنه قرار و یرلمش ایسه ده بو قراری حاوی  
اولان اعلامک تمیزاً رؤیت و تدقیق مومی ایله  
جعفر و علی افندیلر طرفندن استدعا و وکیلری  
سرو و یچن افندیلک و یردیکی لایحه اعتراضیه ده  
دخی ذکر اولنان ملافچه و میخالوه چفتلکلرینک  
متصرف اسبقی یوسف پاشا طرفندن آخره بیع  
و فروخت اولنه جغی صره ده حدود لری تجدید

بکک باطاپو عهده تصرفنده بولنان ملافچه  
چفتلکی داخلنده اولدیغی جهته مومی ایله علی  
و جعفر افندیلرک وقوع بولان مداخله لرنک منعی  
طلبندن و بوکا قارشو مومی ایله و کیلی طرفندن  
در میان اولنان مدافعات دخی کرک مذکور ملافچه  
و کرک مؤکلرینک تحت تصرفنده بولنان میخالوه  
چفتلکلرینک متصرف اسبقی بولنان سیروزی  
یوسف پاشا طرفندن آخره بیع و فروختی صره ده  
حدود لری تجدید و تغیر و تواتراً اثبات ایدیه یله  
جکلری و جهله اراضی منازع فیها نک میخالوه  
چفتلکنه ترک و تخصیص قنندیغی جهته سنین  
و فیره دنیرو میخالوه چفتلکی متصرفی جانبندن  
تصرف و زراعت ایدیلکده بولنش و بوکا مذکور  
ملافچه چفتلکی متصرفینک علاقه ناظر لری  
طرفندن دخی سکوت ایدلمش اولغله حق صریح لری  
مثبت بولندیغی خصوصاً اتندن عبارت اولسنه  
کوره دعوا ی واقعه برمنوال محرر تصرف اراضی به  
متدائر اولدیغی و بو مقوله اراضی دعوا لرنک  
اثنای رؤیت و محاکمه سنده صاحب ارض  
مقامنه قائم اولان اراضی مأمورینک حاضر  
بولندیرلمسی قانوناً مقتضی بولندیغی حالده  
عورتحصاری بدایت محکمه سنجیه مأمور مومی  
ایله بولندیرلمش اولسی و مذکور ملافچه  
چفتلکنک برمنوال مشروح حدودی تجدید  
واراضی منازع فیها نک میخالوه چفتلکنه  
تخصیص قنندیغی حقنده سبق ایدن ادعای بی  
شهود شخصی ایله اثبات ایدیه جکلری مومی ایله

علی و جعفر افندیلر و کیلی طرفندن در میان ایدلمش  
و بو مثالو حدود منازعه لری حقنده شهود شخصی  
استماع ایدلامسی حقنده برمنوعیت قانونیه بولنمیشیکن  
اشبو ادعایک دخی نظر اهمیتیه التمسین قول  
مجرددن عبارت ایدوکی بیانیه بلا سبب قانونی رد  
ایدیلهرک اراضی منازع فیها به مومی ایله  
جانبندن وقوع بولان مداخله نک منعی بولنده  
حکم و اعلام و یرلمش یولسنز اولدیغی حالده عند  
الاستیناف درجه اولی اعلامی حقنده برکونه  
تحقیقات و تدقیقات اجرا سندن صرف نظر  
اولنهرق همان تصدیق حکمی جهته کیدلمسی  
مخالف اصول قانون اولدقدن بشقه استینافاً  
جریان ایدن محاکمه ده دخی مومی ایله علی و جعفر  
افندیلر جانبندن بدایت ادعا اولندیغی و جهله ذکر  
اولنان اراضی به سنین و فیره دنیرو میخالوه چفتلکی  
متصرفی طرفندن تصرف اولنمده اولدیغی  
و بوکا مذکور ملافچه چفتلکی متصرفی طرفندن  
دخی اختیار سکوت ایدلیدیکی جهته اراضی  
مذکوره ده حق قرار لری مثبت بولندیغی تکرار  
ایدلمش اولدیغی حاله اشبو نقطه مهمه حقنده  
عند الاستیناف تحقیقات مکمله اجرا قلمق لازم  
کلور ایکن مومی ایله علی و جعفر افندیلر و کیلینک  
در میان ایدلیدیکی سالف الذکر حق قرار ادعاسنک  
بدایت و استیناف محکمه لرنجه سکوت عنه  
براغیله رق برمنوال محرر حکم و اعلام اولنمی  
یولسنز و نقصانی تدقیقاته مبنی بولنش و مستدعی  
مومی ایله و کیلی سرو و یچن افندی طرفندن

سرد ایدیلان اعتراضات دخی بوراره متفرع اوله رق مصیب و بجا کورنمش اولدیغندن اصول محاکمه حقوقیه قانون موقنک ایکویز اوتوز ایکنجی مادهسی موجبجه مذکور اعلام استینافی نقض ایدلش اولغله مصلحتک اصول و قانون دائره سنده محاکمات و تدقیقاتی بالاجرا حاصل اوله جق نتیجه کوره حکم و اعلامه ر بطی ضمنده مذکور سلانیک استیناف محکمه سنه اعاده سنه و اعلام خرجی اولان ایکویز غروش ایله صورت و تبلیغ خرجلری بولنان قرق غروشک یوز یتیش سکز غروش مصارف محاکمه ایله برابر ایلروده حقیقه جق طرفه رجوع ایتک اوزره اول امرده موئی الیها علی وجعفر افندیلردن التسنه فی ۱۰ تشرین ثانی سنه ۹۹ تاریخده متفقاً قرار و یر بهرک طرفین وکیلارینه تفهیم قلمدی

( محکمه تمیز جزا دائره سی )

جنایت و جنحه اولق اوزره ایکی حکمی حاوی بولنان بر جزا اعلامنک جنحه یه متعلق اولان حکمی حقیقه استدعای تمیز وقوعه بولمزهسه یالکز حکم جنایتک تمیز ایله اکتفا اولنور . محکمه ننگ صورت تشکیله بدایت محاکمه ده متهمک استیجاب و مدعی عمومی طرفندن تشریح اسباب اولنمی حقیقه اصول محاکمه جزایه قانوننک باب نایسنک فصل رابع و خامسنده محرر معاملاتک تمامیه اجرایی

و قانون مذکورک ۲۹۰ و ۲۹۶ و ۲۹۷ و ۳۰۳ نجی ماده لری احکامنه ده رعایت ایدلمسی لازمدر معاملات و احکام مذکوره یه عدم رعایت نقض حکمی مستلزمدر

( خلاصه دعوی )

حلبلی انطون قزازک کیفیت قتلندن طولای جنایتله اتهام اولنسان عدله ننگ قانون جزانک یوز یتیش دردنجی ماده سنک فقره اولاسنه تطبیقاً ارن بش سنه مدتله کورکه قولسنه و مقتول مرقومک خانه سندن اشیا سرقتنه جرأت ایدن مصطفی الخلی نام شخصک التي ماه حبسنه دائره حلب محکمه استینافی سی جزا دائره سندن اعطا قلمنان اعلامک نقضی محکمه تمیز باش مدعی عمومیلکنندن طلب اولنمی اوزرینه محکمه تمیز جزا دائره سی قرار آتی بی و یرمشر

( فقره حکمی )

اعلام مذکور جنایت و جنحه اولق اوزره ایکی حکمی حاوی اولوب جنحه حقیقه برکونه استدعا اولدیغندن اوراق سائره قرائله یالکز حکم جنایتک تدقیقات تمیزیه سی اجرا اولندی محاکمه ضبطنامه سنه نظراً بو خصوص حقیقه محکمه مذکوره ننگ صورت تشکیلی و بدایت محاکمه ده متهم استیجاب و مدعی عمومی طرفندن تشریح اسباب اولنمی اصول محاکمات جزایه قانوننک

باب نایسنک فصل رابع و خامسنده محرر معاملاتک تمامیه اجرا اولنماش اولدیغی کبی قانون مذکورک ایکویز طقساننجی و ایکویز طقسان التنجی و ایکویز طقسان بدنجی و اوچیوز اوچنجی ماده لری احکامنه دخی رعایت ایدلماش اولسبیله قانون مذکورک اوچیوز اون دردنجی ماده سی موجبجه مذکور اعلامک نقضه و معاملات متعاقبه دخی بالطبع منسوخ اولدیغندن جهات سائرهنک تدقیقه محل قالماغله اوراق مذکوره ننگ محکمه اعاده سنه و خرج تعرفه سنک قرقنجی ماده سی موجبجه تمیز اعلامی خرجی اولان ایکویز غروشک اخذ و استیفاسنه قرار و یرلدی

اعلان

برادری مغردیج ولد نشان پاشکان ذمتنده ایکی قطعه سند موجبجه مطلوبی اولان قرق سکز بیک کسور غروشک عهده سنه مرهون بولنان اوج باب مغازه ده مستقر اونجی کدکنک اون درت سهم حصه شایعه سنک فروختیله بدلندن تسویه و بو باده لاحق اوله جق حکمک موقتاً اجرایی و فقط مرقوم مغردیجک اقامتکاهی مجهول ایدوکنی مانیفاطوره سی اصنافندن هاجی قرمت ولد نشان پاشکان استدعا و انبا ایتیش و امر محاکمه ننگ اجرایی اوچیوز سنه سی کانون اولنک دردنجی صالی

کونه قرارلشدر یله رق غزته لر ایله اعلان ایدلش ایسه ده یوم مذکوره مرقوم مغردیج اجابت ایتدیکنندن ماه حال رومینک اون بشنجی جمع ایرتسی کونی مرقوم مغردیج ولد نشان پاشکانک در سعادت بدایت محکمه سی ایکنجی حقوق دائره سنه بالذات کلمی و یا خود کندو طرفندن مصدق سندله بروکیل کوندر می افتضا ایده جکی اصول محاکمه حقوقیه قانون موقنک بیکرمی الننجی ماده سی حکمنه استناداً ایکنجی دفعه اوله رق اعلان اولنور

فی ۱۰ کانون اول سنه ۳۰۰

ایتالیا دولتی تبعه سندن جیمی نام کسنه ننگ ادما ایلدیکی در تیوز یتیش سکز بچق چکی حظک عیناً و یا خود بهر چکیسی بیکرمیش غروشندن بدلی اولدیغی بیان ایدیلان طقوز بیک بشیوز یتیش غروشک نقداً مع مصارف محاکمه مدعی علیه یاز بچی کرد حسندن تحصیل و بونک تأمین ضمننده موضوع جزک تصدیق ایچون مدعینک ایجاب ایدن محله مراجعت ایتسی حقیقه قابل اعتراض اولق اوزره برنجی مجلس تجارتدن فی ۱۲ رمضان سنه ۱۳۰۱ و فی ۲۳ حزیران سنه ۳۰۰ تاریخلی و ۳۰۴ نومرولی برقطعه اعلام غیبی و یرلش و مدعی علیه ک چند سنه دنبرو زرده اولدیغی بیلنه مدیکی جهته اعلام مذکور صورتک نظام مخصوصنه توفیقاً اعلاناً تبلیغی مدعی طرفندن باعرضحال استدعا قلمش اولدیغندن اصول محاکمه نظامنامه سنک



يكرهنجى ماده سنك فقره رابعه سنه توفيقاً مذکور  
صورت مرقوم کرد حسنه تبليغ اولتمش عداولتمش  
اوزره محکمه تجارت اجرا دارهسى ديوانخانه سنه  
تعليق ايندلمکه تاريخ اعلاندن اعتباراً طقسان  
برکونه دکين مرقومک محکمه تجارت اجرا داره سنه  
مراجعت ايله اثبات وجود ايتيمسى و ايتديکي تقديرده  
برمنوال محرر اعلام صورتک کند و سنه تبليغ اولتمش  
عديله حکمک اجراسى طبيعى بولنديغى جهته اعلان  
کيفيته مبادرت قلندي

في ۱۲ کانون اول سنه ۳۰۰

~~~~~

نوبر خانک $\frac{۳۰۱}{۱۷۰}$ نومرولى اعلام موجب
خير به نعمة الله خانم دينى اولان مبالغ معلومه نك
تسويه سى ضمنده مديونه مومى اليهانك غلطه ده
شهيد محمد پاشا محله سنده قلفات برى جاده ده سنه
کاش اون التى نومرو ايله مرقم کراسته جى
بارقه سنده سکر سهم اعتبار يله متصرفه اولديغى
ايکي سهم حصه شايعه سنندن انجق والده سنندن
منتقل بر سهم حصه شايعه سنك تاريخ اعلاندن
اعتباراً اون بش کون صکره بالمزايده فروخته
تشبت ايد يله جکي بک اوغلى بدايت محکمه سى اجرا
مأموريتى جانبنندن اعلان اولنور

في ۵ کانون اول سنه ۱۳۰۰

~~~~~

صراف قسطينک قالفه قريه سى مختار سابقى  
نيقولا کي ذمتنده با اعلام محکوم به الاجغى اولان

مبالغ معلومه نك تأمين استيفاسى ضمنده مديون  
مرقوم نيقولا کينک عهده تصرفنده اولوب  
مقدما تحت ججزه النان معلوم الحدود اوچ يچق دوم  
برقطعه باغک تاريخ اعلاندن اعتباراً اون بش  
کون صکره چکمهجه صغیر بدايت محکمه سى اجرا  
داره سنده بالمزايده فروخت اولنه جغى اعلان اولنور

في ۱۰ کانون اول سنه ۱۳۰۰

~~~~~

سراجخانه متوليسى حاجى على افنديک برنجى حقوق
داره سنندن في ۱۸ اغستوس سنه ۳۰۰ تاريخلى
صدور ايدن اعلام موجب ججزه ژاندا ندرمه يوز باشيلرن دن
بکنا افندي ذمتنده اولان الاجغى مقابلنده مرهون
وصايلوب بدلندن تسويه دين ايتديرلمسى محکوم
بولنسان برچفت فلنک طاشلى کوپه نك برنجى
مزايده سى اشبو کانون اولک اون بشنجى جعه
ايرتسى و اون يدنجى بازار ايرتسى و اون طتوزنجى
چهارشنبه کونلرى قيو مجينر چارشو سنده قيو مجى
اصنافى کتخداسى دکاننده مأمورى مواجهه سنده
مزايده علنيه سى بالا اجرا فروخت اولنه جغى جهته
طالبلرينک ايام مذکورده کتخدادکاننه مراجعت
ايتلرى در سعادت بدايت محکمه سى اجرا داره سنندن
اعلان اولنور

في ۱۱ کانون اول سنه ۱۳۰۰

~~~~~